



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita Et Institvto S. Ignatii Societatis Iesv Fvndatoris.
Libri Qvinqve**

Bartoli, Daniello

Lvgdvni, 1665

XI. Vita asperitas in Nosocomio Manresano.

urn:nbn:de:hbz:466:1-10840

tamen vigiliæ nobilis apud illos Patres memoria , quam & in exemplum vndique illuc peregrinantium , & Sancti honorem , vnuſ illorum Abbas marmorea lamina constare posteris voluit , ad latus altaris cum hac epigraphe affixa. *Beatus Ignatius Loiola* , hic multa prece , fletuque , Deo se , Virginique denouit ; hic tanquam armis spiritualibus , sacco se muniens , pernoctauit ; hinc ad Societatem Iesu fundandam prodit anno 1522. *Frater Laurentius Nieto Abbas* dicauit anno 1603. Ibat alacer nouus Christi miles , sequit illa in ueste æquè mundo contemptibili , & mundi contemptrice per otium intuens , miris secum gaudebat lætitiis ; cum vix leucam emensus sifstatur à ministro Monserratenſis fori ; qui curſu hominem assecutus , quæſiuit ex eo sollicitè , num uestes eius nodi , (& eas designabat) mendico donasset , qui cum ei etiam iurato parum credetur , ex ſuſpicio furti captus tenebatur. Indoluit nuntio vir sanctus , & lacrymas dedit ; cumque rei tortius ministrum feciſſet abundè certiore ; nihil de ſe præterea , quantumuis interrogatiōnibus laeſſitus quis ? vnde ? cur uestes dediſſet ? efferre ſuſtinuit ; ſed ignoti virtutem peregrini dum admirans recedit minister , ingemiscentem Ignatium , puduit quod benè pauperi facere , niſi cum eius infamia , & periculo non liceret. Manrefam poſt hæc eodem itinere appulit.

XI.

*Vita asperitas
in Nofocomio
Manrefano.*

Et Manresa domorum ad quingentas vel oppidulum , vel pagus , tribus à Monſerrato leuis , notissimæ hoc aeo famæ & reverentia , ob ea quæ retinet S. Ignatij , & exantlatæ ab eo vitæ durissimæ , asperrimæque insignia. Erat tunc temporis hospitalis mendicorum , & ægrototum domus , quadraginta ferè à pago passibus , pertinensque ad illam Thomæ Apostoli , & B. Lucie Virginis ædes ſacra , ex qua noſocomio S. Lucia nomen fuit. Huc ſe Ignatius haud tam hospitij gratiâ recepit , quam vt campum haberet exercendi feruoris heroici , virtutisque incenſa ; contemputu , cruciatuque ſui & pretiosis ærumnis ſaginandæ. Primum igitur ab ſe , quicquid poterat corpus non modo delectare , ſed vel reficere , abſcidit ; nocturnæ quietis definitus paucis horis modus ; eadem humi , ne molestia careret , ſubiecto pro cernicali ſaxo , vel ad ſummum ligno ; idque perfrigida etiam hieme , corporis que habitu ita fracto & attenuato , vix ut illud miſerè traheret ; noctis reſiduum precatio , & flagellatio obtinebat ; nam ſe quotidie interdum quinque , ter interdum catena ferrea cædebat , & cædendi mensuram dictabat ardor pietatis. Horarum ſeprem erat oratio , eaque de genibus , præter diuina Officia , & ſacrum quibus intererat. Ieiunium verò nullis vñquam diebus interpunctum præterquam Dominicis , quibus præter diuinias epuli ſacri delicias , pauca oluscula prandij nomine ſumebat ; verū , ut poſte Iacobo Lainio narrauit , injecto cinere corrupta , quo omnis eorum elideretur ſapor. Diebus cæteris fuit illi cibus fructum ſecundarij panis , inter illa quæ corrogaffet deterrium ; & aquæ ſcyphus , idque ſemel in die. Ad asperitatem præduræ cannabis , quam induerat , cuius etiamnum Barcinone ſegmentum viſitatur , nihilo quam cilicia mitius , cilicium aliud ſubdidit , adiunxitque deinde crassiore ex ferro catenam qua latera præciuſit ; quandoque B. Virginis Viladordiensis ſacram ædem petens ſequimilliarī Manresa diſſitam ,

textum

textum propria manu ex aculeatis herbis addebat fasciculum, ad erodendam carnem, configendamque comparatum, qui Viladordij etiamnum honorificè asservatur. Ad has corporis cruces, interiores aliae accedebant: motionum seuera perpesque compressio, nihil desideriis, & cogitationibus indulgens quæ carnem, aut sæculum olerent: hac imposita sibi lege, ut quicquid refugeret natura, cupidè huic occurreret; refugeret autem quicquid naturæ blandiretur. In quo ipsi antiquius nihil erat, quam ut nouas excogitaret artes quibus in contemptum hominum veniret, nullâ re omisâ qua euaderet despicabilior, & pristinos suos gloriae ambitus, fastumque ingenitum procularet. Quod illi per diem, vacuum erat à precando, mortificationi tribuebat. Ægrotis aderat omni ope, ut quisque maximè purulentus, & graviori nausea auersandus, ita is maximè Ignatio carus. Ministeria vero hoc iucundiora, quæ deformiora, magisque vilia. Nec solum tractandis, feredisque inter brachia ægrotis, lauandis, purgandis, sternendis eorum leætulis gaudebat, perinde ut qui Christum spectaret in singulis, sed in auctoritatibus publicis id quoque legitur, non semel eum ulceribus labra admouisse, saniemque illorum forti naturæ violentiâ suscisse. Ex nosocomio Manresam intrabat ad corrogandam stipem, colligebatque initio plus dicteriorum & ignominia quæ eleemosynæ (quod erat potissimum eius votum): saccum pueri vocabant, & circumfusi nonnunquam, ut pessime norant, certatim ludebant. Ac licet haud multo post pretio omnibus, & obseruantiaz fuerit, numquam tamen defact, quamdiu illic egit, homo publicè improbissimus. qui modestiam incessus, vestitus horrorem, humilitatem mendicantis; sanctimoniac larvam garriret esse, & quoties oppidum ingredieretur Ignatius, obuiaret sannis, & deridiculo eorum mimo quæcumque ab Ignatio fierent, donec ad extremum, torquendi vultus, ludibriorum & risuum satur, turpismissim conuitiis oneraret; iteraturus eandem fabulam die proximè in sequenti. Fuit hoc longum & arduum mansueti, patientisque animi examen, quo natura ardenter, & recens militia defunctum, per illam hominis bestiam, certabant dæmones indignatione commouere. Sed huius in Ignatio sensus non sopitus modo, sed erat omnino emortuus, & vindictæ omnis cogitationes, sensumque indignationis, cum armis vnâ, Beatae Virginis, Monserrati constanter appenderat. Arcto illo quem legerat pane, pro quo salutaria referre monita erogantibus consuerat, alios recreabat in nosocomio pauores, frusto sibi quod esset vilissimum seruato. Verum enimvero tam inuisa dæmonibus fuit familiaritas, qua miseros illos pannosos, & graueolentes adhibebat, industriaque traducendi sui & mendicitatis illorum rusticæ, exprimendæ, ne alias genere crederetur, ab eo quem ultra præferebat, ut tantam virtutem non ferentes, impressione valida aggressi sint illum euertere: Nam audire sibi objurgantem se animum videbatur; Hanc sui denique tam propudosam despiciuntiam fas omne prætergredi, hac indignari Deum, cui cum nobilis Sancti, veller in eo exemplum edere, placere non poterat in vile mendicabulum exisse. Quantò gloriösius ipsi fore, & virtutis quanto

C firmioris,

firmioris, sanctitatem colere in aulae luce, quam in sordibus mendicorum? daturum illic de se nobilitati quod imitaretur, non jocos, risumque pueris? Plurisne apud illum essent contemptus sui, quam diuinæ glorie animarumque rationes? quam multæ eatenius peribant, quas suo exemplo seruasset? Parem illi vel unum abunde esse ad restituendam ciuitatis integræ probitatem, & hoc fuisse Dei consilium ac mentem, cum ipsi præluceret, facemque subderet ad conuersionem, non autem ut creditum, obscuro domus hospitalis, talentum conderet; multò vero minus ut tristi specie & inamabili, sanctitatem omnibus faceret exosam. Ad hæc, si suum prodigus libebat profundere, qua lege profunderet alienum? Si parum placebant honores, procul absisteret, abderetque in tenebras se; verum generis nomen decusque attenderet, tanto partum maiorum sudore, ac sanguine, quod perditum ibat indignis modis, nec illud infanæ plebecula ludibriis, & contumelias tota vrbe spectante, inter mendicos obijcere pergeret. Ad ista quiddam naufragæ tristioris, natura rediens viro sancto afflavit, & illas pauperum, & jacentium in lectis deformes vitas, & olentes pannos, & morem insulsum & agrestem primùm abhorruit; quod tamen ut animaduertit, vtrumque mox hostem eodem impetu inuadit, impugnantem se dæmonem, & naturam callidè prudentem. Nullo ergo quæ fuggerebantur responso dignatus, ad suos illos cursu redit, & in oculis omnium, fediorem quemque, & horridorem amplexu stringit, hæretque tam diu, dum auersantis animi renis, & refugientis naturæ lensus planè vanesceret.

XII.

*Mira in spe-
lunca corpo-
riu afflita-
tiones.*

Fuere Ignatij ex nosocomio, meritorum, & virtutis hæc lucra. Sed cum hoc etiam lentiret impedimento esse, quò minus Deo arctius jungeretur, & ad vexationes corporis, in quas animo rapiebatur, liber esset, querere aliquem in vicino secessum institit, vbi uno spectante, & arbitrio Deo, desiderium exploreret. Quærenti facilè occurrit passu ferè sexcentesimo, Manresa distans, instituto valde idoneus; spelunca fuit ad infinitum collē, viua intrupe excavata, tenebricosa, nec multum sepulchro dissimilis, loco tamen peramoeno sita, & angusta in valle, cui apud incolas, Paradisi valli, amoenitas fecit. Calamis inde octoginta Cardanerus riuus limpidissimis aquis fluit; è regione est via regia: hanc inter, & specum è saxo crux visitur è tribus una, ad quas Sancto mos fuit pias obire stationes; palmos habet in longam speluncam, duos & triginta, lata decem; alta, qua fornix multum attollitur similiiter decem; depressior vero prot interius magis in illam receditur. Qua parte Monserratum spectat, fenestella patet, ex scissura rupis commodè captata, ex qua prospici templum potest, & Virgo parens orari. Cæterum vndique nigra, & tenebris horrida, & incomposita, & prominentibus sursum, hinc inde ex caute cuspidibus aspera. Pauci hanc norant; adibat nemo, & hoc Ignatio opportunior visa. Aperto igitur in illam per objecta spineta, & condensa dumorum, angusto aditu, suam fecit. Illic alta loci silentia, solitudinem, tenebras, horrorem, totidem ratus ad penitentiam hortamenta, descriptarum sibi afflictionum laxare spatia, continuare noctes